

增訂

偽藥條辨

卷五

目錄

田草部

十八種

五草部

十七種

水部

附錄

十二種

僞名洋紅花。形雖似而色不清。不知何物僞充。按紅花即紅藍花。生梁漢及西域。今處處有之。人家場圃多種。花如大薊。色甚清紅。氣味辛溫。功能活血潤燥。止痛散腫。通經化瘀。易備之藥。亦至難信。有真方無真藥。良可慨已。

炳章按紅花三四月出新。河南歸德州出者。名散紅花。尚佳。亳州出者。亦名散紅花。略次。浙江寧波出者。名杜紅花。亦佳。皆紅黃色。山東出者。名大散花次之。孟河出者更次。河南淮慶出者。名淮紅花。略次。湖南產者亦佳。陝西產者名西紅花。較次。日本出者。色淡黃味薄。名洋紅花。又有片紅花。色鮮紅。別是一種紅花。鮮搗壓成薄片。晒乾。大紅染坊作染真紅用者多。河川出者。名結子花。其色紅紫者佳。宴州出者。爲大結子花。此亦大紅染坊店所用。結子花。僞者以蘇木研

末。用麪糊搗透。做成粒子。其次。不如用杜紅花之爲安。又有西藏紅花一種。花絲長。色黃兼微紅。性潮潤。氣微香。入口沁入心肺。効力甚強。爲紅花中之極品。

沙苑子 一六

沙苑蒺藜。俗名北沙苑。苦溫補腎。強陰益精明目。產陝西潼關者眞。狀如腎子。微帶綠色。今市中所賣。有用紅花草子僞充。貽害匪淺。

按沙苑蒺藜。七月出新。陝西潼關外出者。名潼蒺藜。色紅帶黑。形如腰子。飽綻性糯。味厚氣香。滾水泡之。有芳香氣者爲最佳。亳州出者。曰亳蒺藜。細而且瘦。性梗。泡之無芳香者次。山東出者。名東蒺藜。色黃粒扁粗大。性更硬。最次。揚州出者。爲荷花郎郎之子。徧地皆有。土名草蒺藜。即南方紅花草子之子。不入藥用。

車前子 七

車前草本經名當道。詩云芣苢。好生道旁。及牛馬足跡中。故有車前當道。及牛遺馬舄之名。江湖淮甸處處有之。主治氣癰。治濕痺。市中有大小車之別。大車爲眞品。小車係土荊芥子僞充。萬不可用。蓋車前甘寒。荊芥辛溫。性既相反。又奚容混售乎。

炳章按車前子江西吉安蘆江出者。爲大車前。粒粗色黑。江南出者。曰土車前。俱佳。淮南出者。粗而多壳。衢州出者。小而壳淨。皆次。河北孟河出者。爲小車前。即荊芥子也。不入藥用。宜注意之。

薤白 八

薤白氣味辛溫無毒。根如小蒜。色白者辛而不苦。近有以鬼蒜僞充。擊開無瓣。噫。薤白爲處處皆有之藥。值亦甚賤。胡昧良者。偏以僞亂眞乎。

炳章按薤白各處皆產。生土壤上。即俗謂素葱之根。葉如細韭菜。色綠空心。根如小蒜頭。若採時去鬚莖蒸熟曬乾。則質堅緊。不致脫皮。且晒之易燥。若生晒則質鬆。層層脫皮。且不易乾燥。故近今皆用蒸曬者多。惟僞者少見。

石蓮子

九

蓮子至秋黑而沈水。爲石蓮子。用者去黑殼。以水浸去赤膜青心。方可入藥。氣味甘平略澀。無毒。止虛瀉。療久痢。健脾開胃。又能固精氣。今市肆有一種苦石蓮。狀似土石。味極苦澀。不知何物僞充。或云卽樹上所生苦珠子之類。盧子由云。食之令人腸結。宜於建蓮子揀帶殼而色黑者爲藥。未能。水。遠勝多矣。

炳章按石蓮子以霜降後蓮房枯散。而蓮子落於泥中取用。外壳硬色黑。內

肉仍與乾蓮子同。味甜心苦。與蓮子無異。市有廣東產者一種木蓮。其色亦黑。兩頭略圓。殼光有細橫圈紋。性寒味苦。爲不道地。如無真者。不如代用蓮子爲安。

蒲黃 十

蒲水草也。蒲黃乃香蒲花中之蕊。屑細若金粉。始出河東澤中。今處處有之。以秦州出者爲良。近今藥肆中。或以松花僞充。按松花氣味辛溫。蒲黃氣味甘平。松花能除風。蒲黃能消痰。性既不同。功亦各異。胡得僞充以害人乎。況失笑散中。有用蒲黃。爲治產後瘀血攻心之妙。方若用松花僞充。則貽誤不少矣。

炳章按蒲黃乃蒲艸之花蕊。色淡黃。是花茸花蕊相合。名艸蒲黃爲佳。

又有一種蘇州來者。曰蒲黃面。色老黃。屑細滑若粉。入罐煎之如糊膠

一般。服之令人作嘔。且不能入喉。吾紹初到時。人人以此爲道地。各大藥鋪爭先置備。後因病人不能可服。向醫生責問。始識受蒲黃面之害。乃通告各藥鋪。禁其沿用。今仍用草蒲黃。鄭君所云屑細若金粉。或亦是此物。不識以何物僞作。亦非松花粉。蓋松花粉色淡黃質輕。蒲黃面質重色老黃。然總是害人贗品。應當革除之。

洋篇豆

十二

洋篇豆顆粒較大。皮瘦色微赤。不堪入藥。當以蘇州所產色白者爲勝。氣味甘微溫。和中下氣。止泄痢。清暑氣。暖脾胃。除濕熱。止消渴。方有功效。

煇章按篇豆浙江杭州湖州紹興出者。開白花。其實要白而有光。體飽滿者佳。江南安慶江西俱出。惟亳州出者。顆大扁形。名洋扁豈。爲不道

地。

赤豆 十一

赤豆出江淮間。今關西河北汴洛皆有。入藥以緊小赤黯者爲良。氣味甘酸平無毒。主下水腫。排癰腫膿血。今藥肆中有一種赤黑相間者。聞是相思子。每以僞充赤小豆。其謬已甚。夫既名爲豆。豈可於五穀外求之耶。

炳章

按赤豆。浙江慈谿餘姚蕭山龜山近沙地皆產之。粒小細長如腰子。

紫紅色。腰間有白紋如鳳眼。名杜赤豆。入藥能利小便。泄血分之濕熱。爲最道地。又一種色紅赤。粒大團形。比黃豆略小。名紅飯豇。各處皆出。僅供食品。不入藥用。又一種名海紅豆。出海南。其子大而扁。今人亦誤作赤小豆。誠大謬矣。半紅半黑者名相思子。俗呼赤小豆。屬木本植物。與梅冰性相合。能令香不耗散。故近今梅冰中。多拌有此物。

服食須知云。想思子出嶺南。樹高丈餘。白色。其葉似橘。其花似皂莢。其莢似扁豆。其子似赤小豆。惟半截紅半截黑爲異。今廣東擔子上。以線綴成串。或作首飾以貨之。其性味苦平。有小毒。能吐人。及治貓鬼夜道病。俗又呼爲雲南豆子。又能治蠱毒。除一切蟲。搜神記云。大夫韓憑妻美。宋康王奪之。憑自殺妻。投之臺下死。王怒令塚相望。宿昔有文梓木生二塚之端。根交於下。枝錯其上。康王哀之。因號相思子。此說段公路北戶錄亦載之。

增訂偽藥條辨卷三

閩縣 鄭奮揚肖巖遺著

鄞縣 曹赤電炳章集註

毒草部

土大黃

大黃本經謂之黃良。後人謂之將軍。以其有伐邪去亂之功也。古人以出河西隴西者爲勝。今以莊浪所產者爲佳。故一名莊大黃。莊浪縣即古涇原隴西地。至川中亦出有錦紋者亦可用。味苦氣寒。色黃臭香。紫地有錦紋。方堪入藥。若此種土大黃。中微澀不黃。只可用爲香料。蓋其性不能通利。若誤服之。且能燥腸護穢。當細辨之。

所產按大黃九十月用新。陝西甘肅涼州衛州者。堅硬緊結色黃。頭起錦紋似米旋斑爲最佳。故俗名錦紋大黃。河南西寧州出者。形狀與前相類。

。質略鬆。或曰中大黃。四川出者空鬆。爲馬蹄大黃最次。山西亦出名味黃。久而變黑更次。皆不堪藥用。鄭君所云土大黃。或即此類也。

附子 二

附子以蜀地綿州出者爲良。氣味辛熱有大毒。主治風寒咳逆。邪氣寒熱。腰寢拘攣。膝痛不能行步。破癥堅積聚。血瘕金瘡。今陝西亦蒔植附子。關之西附。性雖辛溫。而力稍薄。不如生於川中者。土厚而力雄也。聞肆中有一種洋附混售。性味既劣。力量更遜。一經炮製。既難辨識。不免害人。更有一種臭附。尤不可用。慎之慎之。

附子按附子八九月出新。四川成都彰明產者爲川附。底平有角。皮如鐵。內肉色白。重兩許者。氣全最佳。性潮。鮮時用鹽漬醃。蓋不醃易爛。

。然經鹽漬過。性味已失。效力大減。景岳先生已辨之詳矣。陝西出者爲西附。黑色乾小者次。

天雄 三

天雄氣味亦是辛熱有大毒。本經主治稍異而旨則同。凡附子種在土中。不生側子。經年獨長大者爲天雄。仍是蜀地綿州所產者爲勝。近今每有以厚附僞充。施之重症必不能奏效矣。

本草按天雄與附子同物。亦產四川彰明者良。凡長大端正。不生側枝。獨長本身。每個在三兩上下者。即名天雄。非別有一物也。厚附片。乃四川鮮附子製而切片。不經鹹漬洗漂。效力且比本漂淡附片勝數倍。凡用淡附片二錢厚附片只能用一錢。因其力猛也。

麻黃 四

麻黃始出晉地。今榮陽汴州彭城諸處皆有之。氣味苦溫無毒。春生苗纖勁直。外黃內赤。中空有節。如竹形宛似毛孔。故爲發表出汗聖藥。市肆有以蕭草僞充。氣味既別。力量毫無。重症用之。不免貽誤。

炳章按麻黃。九十月出新。山西大同府。代州邊城出者肥大。外青黃而關內赤色爲道地。太原陵丘縣。及五台山出者次之。陝西出者較細。四川滑州出者黃嫩。皆略次。山東河南出者亦次。惟關東出者。細便蘆多不入藥。若蕭草僞充。更爲害人矣。

北干薑

俗名作姜五

土北薑溫州所產。質鬆不結。味淡不辛。又有一種洋北薑。氣味尤劣。更不可用。按北干薑氣味辛溫。其色黃白兼見。乃手足太陰之溫藥也。凡製乾薑炮薑。當以三衢開化產者爲佳。用母薑水浸晒乾。以肉厚而白淨。結

實明亮如天麻者良。故又名白薑。近今藥肆。且有以傷水變味之生薑。晒乾炮用。未免有名無實。誤人匪淺。

炮章按乾姜湖南均州出。小雙頭內白色。爲均姜。最佳。浙江台州出者爲台姜。個小肉黃黑色者次。其他江南江西寧國四川皆出。總要個大堅實。內肉色白爲佳。

高良薑 六

陶隱居言高良姜始出高良郡。故得此名。別錄云氣味辛大溫無毒。主治暴冷。胃中冷逆。霍亂腹痛。近有僞品色黑而暗不黃。根瘦無味。非高良所產不可用。用之反有害矣。

炮章按高良薑廣東海南出者。皮紅有橫節紋。肉紅黃色。味辛辣。爲道地。出貨多。用途少。僞者鮮見。南越筆記云。高良薑出於高涼故名。

根爲高良薑。子即紅葶藶。子未圻含胎鹽醢。經冬味辛香入饌。又云。凡物盛多謂之寇。是子如紅豆而叢生。故名紅豆蔻。今驗此花深紅如灼。與圖經花紅紫色相照合。花罷結實。大如白果有稜。嫩時色紅綠。子細如橘瓤。所謂含胎也。老則色紅。即草木狀之生薑。楚辭之杜若也。

川椒 七

川椒本經名蜀椒。列於中品。產於巴蜀。類如小豆而圓。皮紫赤色。皮厚而裏白。味極辛烈而香。凡閉口者去之。近有土椒色黑無味。又安能溫中散寒乎。

炳章 按花椒山野自出。幹高五六尺至丈餘。梗生小刺。葉爲對生羽狀複葉。春日開小花黃綠色。初夏結實圓小。始色青綠。熟則變赤。裂開香氣甚烈。即本草所謂之椒紅也。產地首推中州。名曰南椒。顆粒大。外

紫裏白。氣味濃厚。椒多曰少最佳。江浙間釀酒家皆需此。產於蜀者。名川椒。產於秦嶺者名秦椒。顆粒略小尚佳。產於山東即墨縣者名東椒。又名女姑椒。色紅黑。氣味較薄爲次。江淮間產者。名土椒。色青黑。粒小味淡。更次。

吳茱萸 八

僞名洋吳萸。味較辛辣。顆粒又小。服之反有頭痛。貽害匪淺。按吳茱萸江浙蜀漢皆有。多生吳地。故名吳萸。味辛溫。木高丈餘。葉紫色。似楮而闊厚。開紅紫花。結實纍纍成簇。似椒子而無核。嫩時微黃。熟則深紫。形色可辨。幸勿用洋吳萸。而貽害不少也。

綱章 按吳茱萸。上春出新。湖南長沙安化及廣西出者。粒大梗亦多。氣

味觸鼻皆佳。浙江嚴州出者。粒細梗少。氣味略薄。亦佳。洋吳萸氣味

皆淡。不入藥用。惟近年絕少到。

半夏 九

僞名洋半夏。形雖似而粒不圓。不知何物僞充。誤服有害。按半夏氣味辛平有毒。青齊江浙隨處有之。生於澤中者。名羊眼半夏。總以圓白爲勝。陳久者良。若此種洋半夏。殆亦由跋混充歟。由跋即天南星之小者。絕類半夏。幸勿誤用。

炳章按半夏三四月出新。杭州富陽出者。蒂平粒圓。色白質堅實。惟顆粒不大爲最佳。衢州嚴州出者。略扁。蒂凹陷。色白微黃亦佳。江南出者粒小。江北出者如帽頂形。皆次。四川荊州出者粒圓而大。色白質鬆。有筋。落水即胖大易腐。亦次。饒州涇縣揚州泰興出者。音鬆碎。不道地。不能切片。漂作半夏粉用尚可。福建出者浸入水中即腐爛。更次。